



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e-mail: info@voda.ba

Broj: UP-1/21-3-40-598-10/23

Datum: 25.03.2024. godine

„Agencija za vodno područje rijeke Save“ Sarajevo rješavajući po zahtjevu pravnog lica „Geoinženjering“ d.o.o. Kladanj za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode tokom eksploatacije i prerade mineralne sirovine krečnjaka na kamenolomu „Hrastić“, naselje Stupari, općina Kladanj, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Geoinženjering“ d.o.o. Kladanj daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora kompleksa objekata namjene: eksploatacija i preradu mineralne sirovine krečnjaka, sa pratećim sadržajima na prostoru kamenoloma „Hrastić“, naselje Stupari, općina Kladanj.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, dostavljenog detaljnog dinamičkog plana po godinama sa aktivnostima, finansijskom procenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, broj: 24/24 od 22.03.2024. godine i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, a u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti na vanjskom uređenju:
 - 3.2.1. Izgradnja taložnika sa revizionim oknom na platou kamenoloma. Rok za realizaciju ove aktivnosti je mjesec august 2024. godine.
 - 3.2.2. Završetak izgradnje obodnih kanala za slivne vode sa prostora kamenoloma. Rok za realizaciju ove aktivnosti je mjesec august 2024. godine.
 - 3.2.3. Završetak izgradnje tankvane, ugradnja rezervoara za gorivo i objekta sa krovnom konstrukcijom za rezervoar na platou separacije i radionice. Rok za realizaciju ove aktivnosti je mjesec septembar 2024. godine.
 - 3.2.4. Nabavka i ugradnja sanitarnog čvora i instalacija za fekalne vode na platou separacije i objekata uprave. Rok za realizaciju ove aktivnosti je mjesec septembar 2024. godine.
 - 3.2.5. Puštanje u probni rad izgrađenih objekata na terenu. Rok za realizaciju ove aktivnosti je mjesec oktobar 2024. godine.

- 3.2.6. Okončanje svih aktivnosti na izgradnji sistema u skladu sa Glavni projekat vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda na eksploatacionom polju „Hrastić“, Stupari, Općina Kladanj urađen od strane „Ibis“ d.o.o. Zavidovići, broj: 61-IB-G/17, septembar 2017. godine biti će završene do kraja mjeseca oktobra 2024. godine.
- 3.3. Da se objekti čija je svrha odvođenje i prečišćavanje tehnoloških otpadnih voda redovno održavaju i koriste na način koji će obezbijediti njihovu potpunu ispravnost i funkcionalnost.
- 3.4. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma Hrastić“, naselje Stupari, općina Kladanj nesmetano sakupljaju i odvođe do objekata predviđenih za tretman tehnoloških otpadnih voda i obornskih onečišćenih voda, a zatim ovako tretirane vode preko monitoring okana ispuštaju u definisane recipijente – vododerinu koja gravitira ka Brloškom potoku i kanal magistralnog puta.
- 3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
- 3.7. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Da korisnik poslovnog objekta prilikom vršenja miniranja stijenske mase i prilikom manipulacije sa istom, onemogućiti obrušavanje stijenske mase ka Brloškom potoku.
- 3.9. Da korisnik poslovnog objekta bušenje i miniranje stijenske mase radi kontrolisano po projektu te da minerske radove može vršiti isključivo ovlašteno minersko društvo.
- 3.10. Da se eksploatacija mineralne sirovine na površinskom kopu „Hrastić“ vrši isključivo u skladu sa odobrenim (verifikovanim) rudarskim projektom tj. u skladu sa Zakonom o rudarstvu („Službene novine Federacije BiH“ broj 26/10) i drugim pratećim provedbenim propisima, tj. podzakonskim aktima koji tretiraju ovu oblast.
- 3.11. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.12. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.13. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.14. Da se istrošena ulja, nauljene krpe i sav opasan otpad koji će nastati na prostoru površinskog kopa-kamenoloma „Hrastić“, naselje Stupari, općina Kladanj prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.15. Nakon okončanja svih aktivnosti na terenu, a u postupku ishodovanja upotrebne dozvole korisnik je u obavezi da projektну dokumentaciju: Glavni projekat vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda na eksploatacionom polju „Hrastić“, Stupari, Općina Kladanj

urađen od strane „Ibis“ d.o.o. Zavidovići, broj: 61-IB-G/17, septembar 2017. godine doradi u skladu sa činjeničnim stanjem na terenu- hidro faza.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Pravno lice „Geoinženjering“ d.o.o. Kladanj dužan je izvještavati Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, na obrascu iz Priloga B. Uredbe o uslovima ispuštanja otpadnih voda u okoliš i sisteme javne kanalizacije.

11. Ova vodna dozvola, shodno članu 117. stav (1) Zakona o vodama se daje sa rokom važenja do 30.06.2026. godine. Prije isteka ovog roka pravno lice je dužano zatražiti produženje iste. Ova vodna dozvola prestaje da važi u slučaju da se ne ispune uslovi iz tačaka: 3.2.1. - 3.2.5. ovog rješenja.

12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Geoinženjering“ d.o.o. Kladanj obratilo se ovoj Agenciji sa zahtjevom za ispuštanje tehnoloških otpadnih voda i aktivnosti koje mogu imati specifične uticaje na vode tokom eksploatacije i prerade mineralne sirovine na prostoru poslovnog kompleksa za površinsku eksploataciju krečnjaka „Hrastić“, naselje Stupari, općina Kladanj.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A-Opća dokumentacija:

- Uvjerenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-7118-2/14 od 01.12.2014. godine izdato od strane Uprave za indirektno-neizravno oporezivanje - ovjerena kopija,
- Uvjerenje o poreznoj registraciji od 06.11.2014. godine izdato od strane Kantonalnog poreznog ureda u Tuzli – ovjerena kopija,
- Stepen završetka aktivnosti po Dinamičkom planu broj:69/22 od 29.12.2023. godine, broj: 56/23 od 11.12.2023. godine,
- Detaljni dinamički plan po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, najkasnije do 20.10.2024. godine, broj 24/24 od 22.03.2024. godine,
- Rješenje o izmjenama podataka, broj: 032-0-Reg-18-001663 od 21.11.2018. godine izdato od strane Općinskog suda u Tuzli – kopija,

- Rješenje o vodnoj dozvoli, broj:UP-1/21-3-40-547-17/22 od 30.03.2023. godine izdato od strane Agencije za vodno područje rijeke Save, Sarajevo – kopija,
- Rješenje o odobrenju za eksploataciju, Up/I broj:07-18-434/03 od 03.12.2003. godine izdato od strane Federalnog ministarstva energije, rudarstva i industrije – kopija,
- Rješenja o odobrenju za izvođenje radova po Glavnom rudarskom projektu otvaranja i eksploatacije krečnjaka na ležištu „Hrastić“ kod Stupara opština Kladanj, Up/I broj: 06-18-422/14 od 30.06.2004. godine i Up/I broj: 06-18-958/04 od 14.02.2005. godine izdata od strane Federalnog ministarstva energije, rudarstva i industrije – kopija,
- Rješenje o urbanističkoj saglasnosti, broj: UP-I/02/2-23-2-51/01 od 25.06.2003. godine izdato od strane Federalnog ministarstva prostornog uređenja i okoliša – kopija,
- Izvještaj o monitoringu kvaliteta i kvantiteta otpadnih voda poslovnog kompleksa „Geoinžinjering“ Kladanj, broj:1790/23 urađen od strane Inspekt RGH d.o.o. Sarajevo,
- Ugovor o koncesiji, broj:03/1-14-1307/20 od 08.12.2020. godine potpisan sa Ministarstvom privrede Tuzlanskog kantona – kopija,
- Ugovor potpisan sa JP „Komunalac“ d.d. Kladanj, broj:102/19 od 30.01.2019. godine – kopija,
- Ugovor potpisan sa „Kemokop“ d.o.o. Tuzla, broj:34/18 od 09.10.2018. godine – kopija,
- Atestno-tehnička dokumentacija za separator ulja i naftnih derivata BP OLEX 10M/KF/O/AB izdat od strane Group Borplastika eko d.o.o. Tuzla – kopija,

B-Tehnička dokumentacija:

- Glavni projekat vanjske hidroinstalacije, snabdijevanje vodom, prikupljanje i tretman tehnoloških (industrijskih) otpadnih voda, oborinskih voda i fekalnih voda na eksploatacionom polju „Hrastić“, Stupari, Općina Kladanj urađen od strane „Ibis“ d.o.o. Zavidovići, broj: 61-IB-G/17, septembar 2017. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj i tom prilikom sačinjen Zapisnik o izvršenom uviđaju broj: UP-1/21-3-40-598-5/23 od 29.01.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- U skladu sa zahtjevima iz Rješenja o vodnoj dozvoli koje je izdato pod uslovima a u skladu sa Dinamičkim planom aktivnosti sa rokovima, mjerama za ulaganje po kojima će se realizovati pojedine aktivnosti iz projektnog rješenja 61-IB-6/17 na kamenolomu „Hrastić“, Stupari za planski period 01.01.2023.-31.12.2023. godine, broj: 69/22 od 29.12.2022. godine, a u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije, u proteklom periodu pravno lice je trebalo da realizuju aktivnosti na vanjskom uređenju prikupljanja, tretmana i ispuštanja tehnoloških otpadnih voda i oborinskih onečišćenih voda sa prostora poslovnog kompleksa za površinsku eksploataciju krečnjaka „Hrastić“, naselje Stupari, općina Kladanj.
- Pravno lice „Geoinženjering“ d.o.o. Kladanj je na terenu djelimično postupio tj. izgradio dio objekata i sadržaja, ali nije u cjelosti realizovao sve projektovane aktivnosti.
- Generalno na terenu su izgrađena 2 taložnika, ugrađen je separator ulja i masti sa koalescentnim filterom, urađen je monitoring nalaz od strane Inspekt RGH d.o.o. Sarajevo, potencijalno zauljena voda sa prostora na kojem se vrši pretakanje nafte i servisiranje mehanizacije je povezana sa taložnikom i odvedena na tretman do separatora ulja i masti.
- Rezultati monitoringa tj. Izvještaj o monitoringu kvaliteta i kvantiteta otpadnih voda poslovnog kompleksa „Geoinženjering“ Kladanj, broj:1790/23 urađen od strane Inspekt RGH d.o.o. Sarajevo iz mjeseca decembra 2023. godine ukazuju da rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj 26/20, 96/20).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

U skladu sa Detaljnim dinamičkim planom po godinama sa aktivnostima, finansijskom procjenom i rokovima za izgradnju i puštanju u rad sistema za prikupljanje, tretman i ispuštanje tehnoloških otpadnih voda, broj:24/24 od 22.03.2024. godine urađenim od strane pravnog lica „Geoinženjering” d.o.o. Kladanj planirano je da se u narednom periodu realizuju aktivnosti na vanjskom uređenju prikupljanja, tretmana i ispuštanja tehnoloških otpadnih voda i aktivnosti koje mogu imati specifične uticaje na vode sa lokacije prostora kompleksa objekata namjene: eksploatacija i preradu mineralne sirovine krečnjaka, sa pratećim sadržajima na prostoru kamenoloma „Hrastić”, naselje Stupari, općina Kladanj.

Na osnovu provedenog postupka konstatuje se da je podnosilac zahtjeva „Geoinženjering” d.o.o. Kladanj ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode tokom eksploatacije i prerade mineralne sirovine na prostoru kompleksa objekata kamenoloma „Hrastić”, naselje Stupari, općina Kladanj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- Geoinženjering” d.o.o.
- Brlošci b.b., 75280 Kladanj,
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava